



Газет 2013 жылдың қыркүйек айынан бастап шығады



№13 (550)  
28 наурыз,  
2024 жыл

## ОТБАСЫ ОРТАЛЫҒЫ: берекелі ғұмырдың баспалдағы

## ЭЛЕКТР ЖЕЛІСІ: жарықтың жайы жақсарсын десек...

Көктем шығып, наурыз айы соңына таяса да еліміздің кейбір өңірінде күн күркіреп, жаңбыр тіпті қар да жауды. Табиғаттың бұл тосын сыйын біреу күтсе, біреу күтпеген болар. Әдемілік пен сұлулықты паш ететін наурызша – көктемнің керемет көріністерінің бірі екені анық. Дегенмен жылбысқы қар мен жыл басындағы жауын-шашын тозығы жеткен электр тораптарының тағы да талапқа сай емес екенін көрсетті.

Облыстық энергетика және тұрғын-үй коммуналдық шаруашылық басқармасының басшысы Мелет Усаиннің айтуынша аймақтағы электр желісінің 66 пайызының тозығы жеткен. Солай бола тұра, сол ақысын кешіктірсе, электр сымын қиып кететін шырақшылардың жұмысы табиғаттың тосын мінезіне төтеп бере алмады. Сапаға келгенде сөмсіреп, жарықты қиып кеткенде шалқаятын қызметкерлердің бетін Қызылорданың жаңбырлы желі-ақ ашып тастады.



2



Жас жұбайлар бірге болуға сеніммен серт етеді. Күәгерлердің көзінше жары болуға келісімін береді. Бұл – ең жауапты әрі аяулы сәт. Осы орайда өңірімізде «Отбасы» орталығы бой көтеріп, лентасы да қиылған болатын. Енді зәулім ғимарат жаңуа игілігіне жарауға әзір. Бұл туралы «Отбасы» орталығы басшысының орынбасары Ұлбосын Қылышбаевамен әңгіме өрбіткен едік.

– Шарият шартына сәйкес неке қию мешітте өтеді. Ал неке сарайы АХАТ бөлімінің жұмысын жандандырды десек болады. Айтыңызшы, орталық ашылғаннан бері қанша неке тіркелді? Мұнда табан тіреген жас жұбайлардың сезім күйімен бөліссеніз...

– Отбасы орталығы өткен жылдың қыркүйек айында салтанатты түрде ашылып, сол уақыттан бері жұмыс істеп келеді. Осы уақыт аралығында 70-тен астам жұп неке қидырды.

Кез келген адам үшін үйленіп, отбасы болу ең маңызды кезең әрі жауапты іс. Сондықтан неке қию алдындағы қуаныш пен қобалжу баршаға тән сезім. Жастардың шаңырақ құрып, үлкен өмірге аяқ басқан сәттерін көру әрине ерекше.

– Отау құрған екі жас шағын мемлекеттің моделін құрады. Демек бұған

аса дайындық керек. Сіздің ойыңызша, ұл мен қыздың міндеті қандай?

– «Отан отбасынан басталады» деп тегін айтылмаған. Яғни мемлекеттің ең басты байлығы – халық болса, қоғамда халықтың тұрмыс жағдайымен қатар, бақытты болуы да үлкен рөл атқарады. Ал адам отбасы құру арқылы бақытын еселейді. Отау құруға ниетті ұл-қыздың негізгі мақсаты да бақытты отбасы құру. Ол үшін өз өмірі мен іс-әрекетіне жауапкершілікпен қарауы қажет. Яғни сезіммен ғана емес, саналы тұрғыда қабылданған шешім арқылы шаңырақ көтеру маңызды. Одан кейін бір-біріне деген сыйластық, сүйіспеншілік болса отбасының іргетасы берік, шаңырағы биік болып, үй іші бақыт пен шаттыққа толы болары сөзсіз.

3-бетте



САДАҚШЫ:

1 МИНУТТА

10 ЖЕБЕ АТАМЫН

8

## ӘСЕМНІҢ ӘДЕМІ ӘЛЕМІ

10 мемлекет пен  
25-тен астам қаланы аралап үлгерген

Қазақтың «қыдырып қайтайық» деген сөзінің аясы кең. Себебі ел азаматтарының саяхаттауға деген құмарлығын айтып жеткізу мүмкін емес. Кейбір жандар саяхаттау үшін ғана жаралғандай. Жана, қызықты оқиғаларды бастан кешуді жаны қалап тұрады. Ал кейбір адамдар оны дүниетаным кеңейтудің жолы деп емес, тек демалыс деп қана ұғады. Қалай десек те, екі топтағы жандар да қаражаты мен күш-қуатын қыдыруға, ел таңуға жұмсайды. Сондай жерлесіміздің бірі, жиһанкез – Әсем Қаһарманова.

– Саяхаттау – менің бала күнгі арманым. Оқушы кезімде география пәнінен сабақ беретін Дария апайымның қолынан үлкен әлем картасы түспейтін. Сабақтың 45 минутында картадағы 190-нан астам мемлекет пен астаналары, аралдар мен мұхит, теңіздердің атауын жаттаумен

өтетін. Тақтаға шығып картадан аталған мемлекеттерді тауып, тарихы туралы түсініктеме айтатынбыз. Сол кезеңде “бір күндері осы мемлекеттерді аралайтын уақыт келеді” деген іштей сенім болатын.

4-бетте









Бәсекелестік үстемдік етіп тұрған шақта бизнестің кез келген саласы сұраныста. Жастар, соның ішінде студенттер мүмкіндікті тиімді пайдаланып, бизнеске кеңінен жол ашуда. Бұл өз кезегінде кәсіпкерлік рухты қалыптастыруда. Сондай-ақ жеке кәсіп менеджмент, коммуникация және шығармашылық әлеуетті дамытуға көмектеседі.

# БИЗНЕСТІ серік еткен СТУДЕНТТЕР



## ОҚУ ОРДАСЫНДАҒЫ «BAMBI» КАФЕТЕРИИ

— Жасым 23те, архитектура мамандығының студентімін. Бизнес саласында жүргеніме 2 жылдан асты. Бұған дейін әртүрлі кәсіп көздерінің басы-қасында болып, біршама тәжірибе жинадым. Десе де барлығы тұрақсыз, арнайы межеленген уақытқа дейін ғана пайда келіп отырды. Осы кезге дейінгі тәжірибемді жинақтап, өз бағымды сынауға сәтті туғанын түсіндім. Өз кәсібімді қолға алу үшін көп дүниеден бас тартып, тәуекелге бел будым. Бұл бизнесті жүргізуде ешқандай мемлекеттік грант немесе кәсіпкерлік несиенің көмегіне жүгінбедім. Алайда маған қолдау білдіруші отбасым, достарым мен жақындарым мотивация болды.


Қазіргі кезде басқарып отырған бизнесім — шағын кофейня. Өзім оқитын университет қабырғасынан кофе, шай, шоколадтағы жемістер, алуан түрлі сусындар дайындайтын «Bambi» кафетериясын аштым. Жастар ортасы болғандықтан қызығушылық танытатындар көп. Сабақ пен бизнесті қатар алып жүру мәселе туғызуы мүмкін, алайда кез келген проблеманың өз шешімі, қайыры болады. Шектеулердің сызып қойған шекарасын бұзу мол тәжірибе, пайдалы білім болатынына сенемін, — дейді студент-кәсіпкер Нұрдаулет Амангелді.



## AI LUV ДҮКЕНІ ЖҰПТАР ЖҮРЕГІНДЕ

— Мен жастайымнан ораторлық қасиетке ие болдым, сондықтан еліміздегі пікірсайыс турнирлеріне жиі қатысып, көбінде жеңіске қол жеткіздім. Осы талантымды жоғары бағалағандар курс ашып, сабақ өткізуімді сұрады. Мұны мүмкіндік деп қабылдаған мен өз қабілетімді пайдама жаратамын деп ниеттендім. Сол уақыттан бастап, сұранысқа ие инфобизнеспен, яғни онлайн форматта білім берумен, ораторлық қабілеттерді дамытумен айналысуды қолға алдым. Бұл менің бизнеске басқан алғашқы адымым.

Сондай-ақ әлеуметтік желіде «Ai Luv» атты онлайн дүкен аштым. Дүкенде жұптарға арналған «хит» өнімдер сатылады. Атап айтсақ, гипстен жасалған мүсіндер, картинаға сурет салу, романтикалық туындыларды жасау — жас жұптар арасында танымалдыққа ие. Кәсібім оңға басып, қолдаушылардың саны көп болды. Жалпы бизнес бастауға ниеттенген адамның жүрегінде түті және қайтпас қайраты болуы тиіс. Өз қабілеттерін оңтайлы жүзеге асыра білген адам несібесіз қалмайтынын, еңбектің түбі тек жеңіске әкелетінін түсінсе екен деймін, — дейді студент, жас бизнесвумен Айжан Орынбасар.



## «ZUKHRA BRAND» ЖӘНЕ «UMMA COFFEE»

— Бұл салаға 16 жасымнан бастап білек сыбана кірістім. Біреу үшін ересек бойжеткен қыздың жасы болса, сол сәттегі бала мен үшін ең салмақты және батыл қадамдардың бірі болды. Мектепте оқып жүріп «Сыбаға» базарынан әйелдер киімін сататын дүкен аштым. Ал бүгінде кәсібім дөңгелеп тұр. «Zukhra brand» аталатын дүкеннің жұмысын үйлестіру анам екеумізде. Қазір 3-курс студентімін. Бойымды қайсарлық биледі ме, білмеймін. Әйтеуір өзімді бизнестің бейтаныс саласында сынап көруге шешім қабылдадым. Жуырда қасиетті Рамазан айында «Umma coffee» атты кофехана желісінің тұсауын кестім. Қолдау білдіріп келушілердің саны толассыз. Мұны мен берекелі бизнестің бастауы деп санадым.

Бизнес жүргізу жас талғамайды. Жас болсаң да қорқынышқа бой бермей,



өзіне сенім артып, атқарғалы тұрған жұмысына жауапкершілік таныту қажет. Бұл кәсіптерді бастау үшін ешқандай банк есігін торылып, қарызға батпауға беттемеңіз. Жас бизнес өкілдеріне де мұндай тәуекелге бел бумауын сұрап едім. Себебі өмір тосын сыйларға толы, әліптің артын бағуымыз қажет. Мен үшін оқу мен бизнесті қатар алып жүру қиындық тудырмайды. Өйткені мамандығым тамақтану саласымен ұштасып жатыр. Сондай-ақ бұл салада машықтанып, мол тәжірибе жинау — өмірлік азық болмақ. Бизнес арқылы қандай салада жұмыс істесем де қоғамға пайдалы болуды борышым деп есептеймін, — дейді кәсіпкер Қарақат Нұрбол.

Нұршат НЫШАНОВА

Жас келсе іске. Жастар — қоғам өзгерістеріне тез әрекет етуге қабілетті халықтың ең икемді мобильді тобы. Бүгінде жастар санатындағы азаматтар еліміздің 60 пайызын құрайды. 35 жасқа дейінгі азаматтар, жас отбасылар, жас кәсіпкерлер мемлекеттік тапсырмаларды жүзеге асыруда маңызды ресурс.

## ЖАС КӘСІПКЕРЛЕРДІ ҚОЛДАУ — ЖАҢА СЕРПІЛІС

Қазіргі таңда республика бойынша экономикалық белсенді халық 9 миллионға жетіп отыр. Оның 6,8 миллионы жалдамалы қызметкерлер болса, 2,1 миллионы өзін-өзі жұмыспен қамтушылар. Яғни жеке кәсіпкер, құрылтайшы, АҚ қатысушылары, түрлі жеке серіктестік, тәуелсіз жұмысшылар, өндірістік кооператив мүшелері дәл осы екінші категорияға жатады.

Елімізде шағын және орта бизнестің дамуы, әсіресе, жастар кәсіпкерлігіне қолдау көрсету жылдан жылға қарқын алып келеді. Статистикаға сүйенсек, жас кәсіпкерлердің басым көпшілігі орналасқан аймақтар: Алматыда 16,7% құраса, Астанада 11,4% тұрады. 30 жасқа дейінгі кәсіп иелерінің 10%-дан астамы Түркістан облысына тиесілі.

Аталмыш бағыт аймағымызда да назардан тыс қалып жатқан жоқ. Мәселен, облысымызда 2023 жылы шағын және орта кәсіпкерлік бойынша 71 147 субъекті тіркелген болса, оның 43,3 пайызын жас кәсіпкерлер құраған. Яғни, аймақта кәсіптің көзін тауып, тіршілігін табысты дөңгелегіп отырған 30 835 жас бар.

Облыстық кәсіпкерлер палатасының мәліметінше, 2023 жылы аймақта шағын және орта кәсіпкерліктің 4716 жобасына 68 млрд теңге сомасында қаржылай қолдау көрсетілген. Атап айтсақ, «Кәсіпкерлікті дамытудың ұлттық жобасы» аясында жалпы несие портфелі 31 млрд теңгені құрайтын 837 жоба субсидияланған. Оның ішінде, жалпы несие портфелі 6,1 млрд теңгені құрайтын 235 жоба жас кәсіпкерлердің үлесінде. «Қызылорда» өңірлік инвестициялық орталығы микроқаржы ұйымы арқылы 372 жоба 3 млрд теңгеге қаржыландырылса, оның 12,7 пайызын жас кәсіпкерлер құрайды. Яғни, жас кәсіпкерлердің 52 жобасына 382,4 млн теңге көлемінде қаражат бөлінген. Ал аграрлық несие корпорациясы

арқылы жастардың 492 жобасы 2,3 млрд теңгеге қаржыландырылған.

Шағын және орта бизнес кез келген мемлекеттің экономикасында маңызды рөл атқарады. Өз кәсібін ашу дағдылары мен мүмкіндіктерін меңгере отырып, жастар ең алдымен өзін жұмыспен қамтамасыз етеді. Бұл еңбек нарығының басқа қатысушылары үшін де жұмыс орындарын құруға тікелей әсер етеді.

Жаңа бизнес-идеяларды іске асыруға 2023 жылы аймағымызда 400 АЕК, яғни 5 млн теңгені құрайтын мемлекеттік гранттар 1547 жобаға 2,2 млрд теңге сомасында табысталып, оның ішінде жас кәсіпкерлердің үлесі 38,6 % яғни 857,6 млн теңгеге 597 жобаны құраған.

Шағын және орта бизнесті қолдау және дамыту бағытындағы шаралар биыл да іске асырылуда. Қазірдің өзінде кәсіпкерлікті қаржылай қолдауға бюджеттен 19 млрд теңге қаржы бөлініп отыр. Оның ішінде банк несиелерінің пайыздық мөлшерлемелерін субсидиялауға және ішінара кепілдік беруге 2 млрд теңге, жастардың кәсіпкерлік бастамасына 2,5 пайызбен несие беруге 2 млрд теңге, «Ауыл аманаты» аясында 5,7 млрд теңге, жұмыссыз азаматтардың кәсіпкерлік бастамасына қайтарымсыз гранттар беруге 2,3 млрд теңге қарастырылған.

Бұл мемлекеттік қолдау шараларын алуға аймақ кәсіпкерлерінің, оның ішінде жастардың мүмкіндіктері бар.

Жастар кәсіпкерлігін қолдау — тың идеялардың, инновациялардың, жұмыс орындарын құрудың және азаматтардың өмір сүру сапасын жақсартудың қозғаушы күші. Мұндай шаралар жастар арасында кәсіпкерлік белсенділікті арттыруға септігін тигізіп, елдің экономикалық өсуі мен өркендеуіне ықпал етеді.

### Жас кәсіпкер негізін білуі тиіс?

Шағын және орта бизнестің, әсіресе жастар кәсіпкерлігінің дамуына кедергі келтіретін бірнеше мәселе бар. Банктер мен инвесторлар көбінесе жас кәсіпкерлерді тәуекелі жоғары қарыз алушы ретінде қарастырады, бұл несие мен инвестиция алуды қиындатады. Дегенмен қазіргі таңда кәсіп ашуды көздегендер мемлекет тарапынан өз деңгейінде қолдау тауып отыр деуге толық дәлеліміз бар. Қажетті қаражатқа қол жеткізу жыл санап жеңілдеп келе жатқаны көңіл қуантарлық жайт.

Екіншіден, күрделі бюрократиялық процедура мен жоғары әкімшілік жүктеме жас кәсіпкерлерге әжептеуір қиындық туғызады. Бизнесті бастау және жүргізу уақыт пен ресурсты, сондай-ақ жиі тексерулер мен көптеген ережелерді талап етеді.

Үшіншіден, кәсіби білім мен дағдының жоқтығы тағы бір мәселе. Жас кәсіпкерлерде көбінесе бизнесті жүргізу, маркетинг, қаржы немесе заң аспектілері туралы жеткілікті білім жоқтың қасы. Осының салдарынан кәсібін жаңадан бастаған жас кәсіпкер өз саласындағы сарапшылармен бәсеке кезінде үлкен кедергілерге ұшырайды.

Сондықтан жас кәсіпкерлерге бизнесті жүргізудің түрлі аспектілері бойынша кеңес беретін мамандандырылған бизнес-инкубаторлар мен стартап орталықтарына жүгінген абзалырақ. Бизнесті жүргізу, нарықты зерделеу және бизнес жоспарын әзірлеу бойынша білімін мейлінше толықтыру қажет. Бұл кез келген жас кәсіпкердің кәсіби деңгейі мен бәсекеге қабілеттілігін арттыруға ықпал етеді.

Аружан ОРАЛБАЙ

## «ZHAS PROJECT» жобасына өтініш қабылдау басталды

25 наурыздан бастап Қазақстанның 20-ға жуық өңірінде «Zhas Project» жобасына қатысуға өтініш қабылданады.

Жобаға 18-34 жас аралығындағы (қоса алғанда) НЕЕТ санатындағы жастар (уақытша жұмыспен қамтылмаған) қатыса алады. «Zhas Project» жас қазақстандықтардың мүмкіндігін арттыруға бағытталған. Жобаға қатысушылар өз аймағындағы әлеуметтік мәселелерді шешуге бағытталған тиімді бастамаларды жүзеге асырып, сонымен қатар көшбасшылық қабілетін де дамыта алады.

Жастар әлеуметтік және кәсіби бағдарлау бойынша жаңа білім мен дағдыға ие болады. Бизнес құру және жүргізу бойынша кәсіби менторлық қолдау ала алады. Жоба жеңімпаздарының әрқайсысына әлеуметтік бастамаларды іске асыру үшін 1 миллион теңгеге дейін шағын гранттар бөлінеді. Болашақта 280 жоба іске асырылды.

Өтініштерді қабылдау 24 сәуір, сағат 23:59-ға дейін жалғасады. Әр өңір бойынша жобаны бақылау және өтініш қабылдайтын ҰЕУ-мен байланыс мәліметтері cisc.kz сайтында, Zhas Project бөлімшесінде көрсетілген.

«АЖ» ақпарат



## ЖАҢА РЕКОРД ТІРКЕЛДІ

Алматы облысының Қарасай ауданында грек-рим, еркін және әйелдер күресінен 17 мен 23 жасқа дейінгі спортшылар арасында ел чемпионаты аяқталды.



Біріккен чемпионатта жалпы есебі 1563 балуан бақ сынаған. Бұл – елішілік жарыстардағы жаңа рекорд.

Қазақстан біріншілігінің басты мақсаты – жыл сайын аталған жас ерекшеліктері бойынша өтетін Азия және әлем чемпионаттарына команда жасақтау.

Былтыр 17 жасқа дейінгі балуандар арасындағы әлем чемпионатында еркін күрес шебері Едіге Қасымбек күміс медаль иеленсе, 23 жасқа дейінгі спортшылар арасында грек-рим күресінің шебері Сұлтан Әсетұлы чемпион атанған еді.

Жалпы командалық есепте Алматы облысының балуандары топ жарды.

## БАКУДЕГІ ТУРНИРДІҢ ЖАРТЫЛАЙ ФИНАЛЫНА ӨТТІ

Әзербайжан астанасы Бакуде бокстан «Ұлы Жібек жолы» халықаралық турнирі жалғасуда. Қазір Қазақстан сапынан бес боксшы жартылай финалға өтті.



Атап айтар болса, Баку шаршы алаңында Теміртас Жүсіпов (48 келі), Талғат Сырымбетов (60 келі), Дархан Дүйсебай (71 келі), Бекзат Танатар (86 келі) және Сағындық Тоғамбай (92 келі) жеңіліссіз келеді.

## ӘЛЕМ КУБОГІНІҢ ҚОЛА ЖҮЛДЕГЕРІ АТАНДЫ

Шпагамен семсерлесуден Қазақстан ерлер командасы Тбилисидегі әлем кубогі кезеңінде қола жүлдегер атанды.



Біздің спортшылар жарыстың жартылай финалына дейін жетті. Финал жолдамасы үшін таласта Чехия құрамасымен кездесіп, 36:45 есебімен қарсыласқа жол берді.

Қола медаль үшін өткен кездесуде қазақстандықтар Италияны 45:35 есебімен жеңді.

Айта кетелік, бұл бәсекеде ел намысын Эльмир Алимжанов, Руслан Курбанов, Вадим Шарлаимов, Ерлік Сертай қорғаған болатын.

Одан бөлек, Қазақстан құрамасы Париж Олимпиадасына тарихи жолдама жеңіп алды.

Бетгі әзірлеген  
Мақсат ҚОСЫМБАЕВ



Күрес – күш жетілдіретін спорт түрі. Ұлттық спорт «қазақ күресінің» дамуы қазақ халқының тамыры тереңнен тартылатын тарихымен астасып жатыр. Бозкілемнің белді балуаны, облысымыздың мақтанышы, 2011 жылғы «Жас Барыс» республикалық турнирінің жеңімпазы, Дүниежүзілік көшпенділер ойынының 2016 жылғы күміс жүлдегері, 2017 жылғы «Қазақстан Барысы» Еламан Ергалиев ұлттық спортты дәріптеп жүр. Осы орайда балуанның өміріндегі жаналықтармен танысып, емен-жарқын сұхбат құрған болатымыз.

**Азия до бойынша Олимпиадаға дайындық үстіндемін**

– «Қазақстан Барысы» атанған Еламан қазір қайда жүр?  
– Бүгінде дзюдодан ұлттық құрама сапындамын. Былтыр қараша айында дзюдодан өткен ел чемпионатында 100-ден ауыр салмақ дәрежесінде I орын иелендім. Бүгінде Алматы қаласында оқу-жаттығу жиыны өткізілуде, дайындық үстіндемін.  
– 2017 жылы «Әскер Барысы» сайысында жеңімпаз атанғаныңыздан хабарлармыз. Сонда әскери салада да қызмет етесіз бе?

– Иә, «Қазақстан Барысына» «Әскер барысының» атынан шыққан едім. Енді, сол жылы толық әскери қызметкер болған жоқпын, бірақ әскер қатарына жұмыспен тіркелдім. Қызылорда облысының атынан қатыстым. Мақсат Исағабайлов, Нұрым Сәлімгереев, Айбек Серікбаев сияқты мықты, белді балуандар болғандықтан, маған сол жақтан ұсыныс түсті. Балуандар сайысында Алла бұйыртып, «Әскер Барысы» және «Қазақстан Барысы» атандым.

– Биыл елімізде «Дүниежүзілік көшпенділер ойыны» өтеді. Қазақ күресі бойынша қатысуыңыз мүмкін бе? Жалпы алдағы уақытта сізді қандай спорттық додалардан көре аламыз?

**Биылғы жылдың басты спорттық додасы – жазғы Олимпиада ойындары. Париждегі бәсекеге 4 айдай уақыт қалды. Дүбірлі додаға ел спортшыларының дайындығы қалай? Спортшыларымыз қай спорт түрлерінен сынға түседі?**

Париж-2024 Олимпиада және Паралимпиада ойындарының эмблемасы 2019 жылдың 21 қазанында ұсынылды. Онда бір зертте алтын медаль ішіндегі Олимпиада алауын және Француз Республикасының символы Марианның ернін бейнелейді, ол Париждегі 1900 жылғы жазғы Олимпиада ойындарына алғаш қатысқан әйелдерге құрмет болып есептеледі.

Олимпиадалық іс-шаралардың көпшілігі Париж қаласында және оның астаналық аймағында, соның ішінде көршілес Сент-Денис, Ле Бурже, Нантерр, Версаль және Вир-сюр-Марн қалаларында өтеді. Гандбол турнирлер қабылдаушы қаладан 225 шақырым қашықтықта орналасқан Лилльде ұйымдастырылады. Желкенді қайықтан турнирлері және кейбір футбол ойындары Жерорта теңізінің Марсель қаласында ұйымдастырылады, ол қабылдаушы қаладан 777 шақырым қашықтықта орналасқан; сонымен қатар серфинг жарыстары француз Полинезиясының Тэхупо ауылында өтеді деп күтілуде. Футбол Бордо, Дюкен-Шарпи, Нант, Ницца және Сент-Этьен сияқты тағы бес қалада өтеді.

Қазақстан Республикасының Спорт комитеті мәлім еткендей, XXXIII жазғы Олимпиада ойындары 26 шілде мен 11 тамыз аралығына жоспарланған. Төртжылдықтың басты додасына әлемнің 205 елінен 10 мыңнан астам спортшы қатысады. Париждегі додада 32 спорт түрінен 329 медаль жиынтығы сарапқа салынады. Қазір Қазақстан ұлттық құрамасының қоржынында Париж Олимпиадасының 19 лицензиясы (спорттың 8 түрінен) бар (садақ ату – 4, велоспоссе – 3, нысана көздеу – 5, қазіргі бәсәйіс – 2, бокс – 2, грек-рим күресі – 1, еркін күрес – 1, спорттық гимнастика – 1). Олимпиада ойындарына дейін 69 лицензиялық жарыс қалды. Оның ішінде 5 әлем чемпионаты, 7 Азия чемпионаты және 57 рейтингтік турнир бар. Құрама көшбасшылары әр спорт түрінің ерекшелігі, спортшының қажеттілігі, медициналық-биологиялық тұрғыда қамтамасыз етілгені, оның ішінде физиотерапия, оңалту мен жаракаттардың алдын алу, психологиялық қолдау және жарысқа дайындық кезінде күйзелісті жеңу сияқты жағдайлары ескерілген жеке жоспар бойынша дайындалады. Айта кетейік, 2024 жылғы 17 сәуірде бүкіл ел бойынша «Олимпиадаға


100 күн» іс-шарасы өтеді. Айтулы күнге орай флешмобтар мен спорттық жарыстар ұйымдастырылады.

Италияның Бусто-Арсизно қаласында өткен Париж Олимпиадасының алғашқы іріктеу турнирінде тағы 5 жолдама бұйырды. Бокстан бұған дейін Қамшыбек Қоңқабаев пен Карина Ибрагимовада ғана лицензия болған еді. 8

жағдайда өткен кездесуде әзербайжандықты қапы қалдырып кеткен Асланбек Шымбергеновте Олимпиадаға баратын болды. Ал соңғы болып шаршы алаңға шыққан 80 келі салмақта өнер көрсеткен Нұрбек Оралбай тартысты кездесуде ирландиялықты ұтып, бесінші жолдаманы қоржынға салды.

Ал, өкінішке қарай, жолдама үшін шаршы алаңға шыққан бұрымды боксшыларымыздың бір де біреуі лицензияға иелік ете алмады. Енді жолдамаға иелік ете алмаған бір жігіт және бес қызымыз мамырдың соңында Тайландта өтетін ақырғы лицензиялық турнирге дайындалады.

## ПАРИЖ ОЛИМПИАДАСЫ ҚАЛАЙ ӨТЕДІ?



күнге созылған Италия жеріндегі жарыста дүниежүзінің 144 елінен 700-ден аса былғары қолғап шебері бақ сынады.

Мырзағали Айтжановтан тәлім алатын ерлер құрамасы алты салмақ дәрежесінде өнер көрсетіп, соның бесеуінде жолдамаға ие болды. Алдымен 92 келіге дейінгі салмақ дәрежесінде Айбек Оралбай америкалық қарсыласын ұтып, командалас әріптестеріне жеңісті жолды бастап берсе, артынша 51 келі салмақта Олимпиада ойындарының қола жүлдегері Сәкен Бибосынов тартысты жекпе-жекте ұлыбританиялықты ұтты. 57 келіге дейінгі салмақ дәрежесінде Махмұд Сабырхан өз шеберлігін паш ете біліп, тәжікстандық қарсыласынан мықты екендігін байқатып, жолдаманы жеңіп алды. 71 келіде өтешиеленісті

Париждегі дүбірлі додаға жолдама беретін іріктеу сайыстарының дені биылға жоспарланғанымен, 2022 жылдың өзінде жержаһанның спортшылары спорттың 11 түрінен 2024 жылғы Олимпиада ойындарына 120 жолдама жеңіп алған. Олардың ішінде ең көп жолдама нысана көздеу спортына тиесілі. Ал биыл спортшылар тағы 13 спорт түрінен жолдамаға таласады.

Жазғы Олимпиада ойындарын өз тарихында осымен үшінші мәрте өткізгелі отырған Франция – жарысты ұйымдастырушы мемлекет болғандықтан, «үш жолақты» елдің спортшылары төртжылдықтың басты бәсеке-сінің бағдарламасына енген барлық спорт түрін іріктеусіз-ақ жолдамаларға қол жеткізіп отырғанын айта кеткен жөн.

